



放射良心就全民退保的意見書

放射良心

to:

apstang

18/04/2016 22:09

Hide Details

From: 放射良心

To: apstang@legco.gov.hk

立法會 CB(2)1323/15-16(03)號文件
LC Paper No. CB(2)1323/15-16(03)

History: This message has been replied to and forwarded.

《放射良心就全民退保的意見書》

1. 從醫療角度看全民退保

2014年香港65歲或以上長者人數多達175萬人，比03年多咗九十四萬八千人。同時長者佔人口比例也由12.2%增至15.7%，至2014年已佔用左醫管局超逾45%的整體資源。長者等候專科門診服務以年為單位，其中一間醫院，以老人科新症排到2017年十二月有得睇，普通內科2018年2月，骨科為例，須等候1.1至3.4年！真係排到2017都一定唔得。

實行全民退保可以令到長者能有經濟能力去做出一個選擇，因為每月有一個保證既收入，佢地更願意去私人市場以求更快得到更好既治療。同時不必動用佢地既所謂棺材本。公立醫院每位病人收費低廉，因為有政府資助，因此公立醫院係做多一個，蝕多一個。相反，私家醫院卻係做多一個賺多一個。醫院利潤多咗，政府稅收多左，私家醫護人員收入多咗又可以帶動經濟，公立醫護人員減輕工作量，起碼等佢地放到假去使錢先啦。病人又能病向淺中醫。我唔白一個咁多贏既方案，點解會唔推？宜家因為班老人家覺得有固定收入，我棺材本用多一蚊少一蚊，好有安全感，點肯轉投私家市場呢？不少老人家話靠政府養就死了。

2. 政府對老人家的晚年生活有不可推卸的責任

周星馳先生係佢既作品逃學威龍2中，有一段佢鬧個飛虎隊既下屬。佢話我死左，到時係咪靠你幫我養埋我老豆老母，你咁既死款養自己都養唔掂，點幫我養埋我個老豆老母呀。

我們現在也不是要求政府幫我們養埋老豆老母，只係希望政府幫輕少少，讓老有所依，每位老人家都能夠不需要資產審查，又人人可以過一個鬆動啲，有尊嚴既晚年生活。但政府都唔肯，堅持要資產審查。請記住：這班老人家可是六十七十年代協助香港經濟起飛的中流砥柱，宜家政府連給他們一個有尊嚴的生活也不肯。

3. 鼓勵生育，真正解決人口老化問題

政府成日話人口老化，要生多啲細路才能解決，我一份人工又要應付香港瘋癲既生活費，和養自己父母既支出，已經捉襟見肘，政府現在推卸責任不但不肯承擔照顧老人既責任，就連幫輕一下也不肯，哪裡還有人敢生兒育女呢？於是惡性循環，人口老化問題必愈演愈烈。

所以真正香港人都應支持一個沒有審查既全民退休保障計劃，令到老有所依，少敢有後。只有唔愛香港、唔諗住在香港終老既人才會反對全民退休保障計劃！

放射良心

吳志傑

從我的 iPhone 傳送